

現代生活藝術系列

# 華嚴經疏論纂要

34

— 初發心功德品之一

華藏淨宗學會印贈

大方廣佛華嚴經疏論纂要卷第三十四

五臺山清涼國師澄觀疏鈔

太原方山長者李通玄 論

閩鼓山私淑比丘道霈纂要

初發心功德品第十七之一

○釋此品亦四門。初來意

〔疏〕來意者。謂前二品明位及行。今顯勝德。舉初况後。巧顯深勝。故次來也。又前品末云。初發心時。便成正覺。未知此心。有何功用。頓得爾耶。今釋此義。故次來也。

○二釋名

疏釋名者。初有二義。一三種發心之初。二十住之

初。鈔一三種者。起信論發趣道相中論云。畧說發

發心。三證發心。今當第一。故云三種中初。二解行

十住之初者。揀餘九住。彼名初發心住故。發亦

二義。一發起上求。二三德開發。能知三世佛智故。

永斷一切疑網故。得如來一身無量身等故。在於

信位。久已研窮。至此位中。豁然開悟。故得功齊果

位。攝德無邊。受斯稱矣。發起上求者。望後論發。三德開發者。望前論發。從初

信心。始入佛法。即發趣求。如來果位。寂照雙流。常觀心性。功行既著。至此開發。如發金藏。見真金等。

○三宗趣

疏宗趣者。卽初心攝德爲宗。令物窮究發心爲趣。

○四釋文二。初料揀。二正釋。今初

疏然任會發心。定是信成就攝解行及證自在後

文。鈔初料揀。卽安國意。彼有二意。一云。此中三賢別說十地。十地一會。總說十地。故其四會。皆是

十地。二者以此品中文義深奧。同十地故。今疏一文。一時雙破。而正破初意。今十任是信成就攝後

二屬第五六會。何得渾和。若言別說合說。畧有四失。一。今此經無三賢義。二。今餘經三賢虛設。三成

此經文義雜亂。謂以地義名任行向故。四。何不一天總別說耶。而歷四天。蓋有所表。是知此說殊乖

教理。故云任會發心。定是信成就等。生如來家。自約解說。不應謂

此便是證收。若謂久習無明。云何頓成大智者。豈

不聞千年暗室。一燈倏忽頓除耶。若謂云何能知

三世佛法者。豈不聞具縛凡夫能知如來祕密藏

耶。餘義至文當釋。生如來家下。第二遮破彼云。據

是初地。況下經云。以生如來廣大心時。便成正覺。應

佛家永斷一切諸疑網。盡除一切諸障。得若非初

地安得爾耶。豈有久習無明。纔一發心。便成大智

能知前際一切諸佛成等正覺。乃至涅槃。能信後

際一切諸佛所有善根。能知現在一切諸佛所有

智慧。即能震動一切世界。等耶。若謂不作齊限。而

能爾者。今何不發耶。已發何不能爾耶。以斯義理

應知證發釋曰。此中彼釋自有三段。一正立。二豈

有久習下。引文反質。三若謂不作下。縱破法性。今

疏文中亦有二節。但通前二。今初通其第一正立

彼以生家。故名證發心。今揀生家不同。故非證也。

然彼引四句。今但通一。餘例可知。且通生家。生家

有六。如法界品前十任內。亦說生家。言雖同。而義

有異。豈以解生同證生也。解生。生菩提心。家。證生

生真如家。故不同也。此義若成。其餘皆成。故云不

通餘也。若通餘三者。既許解生。何得不能生三世

佛家斷諸疑網除諸障碍。又彼初云。初發心時。更  
成正覺。最初建立。是初地義。此義前品已會廣釋。  
故不通耳。若謂久習下。二通引文反質。彼引四句。  
今為兩節通之。初通久習無明文可知也。若謂云。  
何下。三通。知三世佛法。此即涅槃第六如來性品。  
南經。即四依品云。有四種人能護正法。建立正法。  
憶念正法。能多利益。憐愍世間。為世間依。安樂人。  
天何等為四。有人出世。具煩惱性。是名第一。須陀  
洹人。是名第二。阿那含人。是名第三。阿羅漢人。是  
名第四。云何名為具煩惱性。若有人能奉持禁戒。  
威儀具足。建立正法。從佛所聞。解其文義。轉為他  
人。分別宣說。所謂少欲。多欲。非道。廣說如彼。八大  
人。覺有犯罪者。教令發露懺悔。滅除善知。菩薩方  
便。所行秘密之法。是名凡夫。非第八人。第八人者。  
不名凡夫。名為菩薩。不名為佛。釋曰。遠公亦名為  
種性。解行人。非是登地。此初依人。既云具縛。能知  
秘密。何言十住不能知耶。前義若成。動利何惑。其  
第三段。縱破法性文理。易故。疏不通之意。云。此中  
非獨作無齊限。便得爾也。亦久研。夫機差教別。聖  
窮。方至此位。何得為此無理難也。

旨深玄。竝未證真如。同居學地。共詳聖智。誠曰才難。且以淺爲深。有符理之得。以深爲淺。有謗法之愆。以遠爲近。則有益於行人。以近爲遠。法非我分。諸佛說教。貴在俯就物機。後輩學人。若欲高推聖境。儻失大利。豈不傷哉。且夕鈞礮。朝升台輔。豈與夫明經常選。而語其優劣者哉。況纔生王宮。貴極臣佐。寧同百戰夷項。備歷艱辛。況十千劫之功高。亦非聊爾人耳。是以語其智。等虛空而非類。論其德。碎塵刹而難量。極念劫之圓融。盡法門之重現。初心契於智海。豈有邊涯。猶微滴入於天池。齊

無終始。故經云。發心畢竟二不別。如是二心先心難。法慧仰推。良在此也。如或未喻。勝鬘有文。推佛能知。斯言無過。餘如賢首品。百戰夷項。卽漢高祖。古人詠史云。百戰方夷項。三章且代秦。功歸蕭相國。氣盡戚夫人。十年征戰。七十二瘡。方南面稱孤。在位無幾。豈與上同。勝鬘有文。十地當釋。勝鬘說三種智。此卽第三仰推智也。

〔論〕夫以初發心之士。功德難量。舉等虛空。無以比其類。磨盡利塵。無以酬其匹。虛空但明無相之大。一切利塵。但明形礙之廣。焉能對其菩提心福智之境。其智也。於利那之際。滿十方現身如雲。狀因陀羅網。妙像相入。光影重重。各各以一言音。普周



法界說等衆生教門。如雨灑衆生心。得清涼樂爾。其福也。妙相莊嚴。與華藏而同其體。爲初發心之際。與十方諸佛等。住無盡劫海。在剎那之中。延促相似。如一小流入大海中。與大海等。以水體不別。故如初發心菩薩。才入諸佛大智慧流中。等佛功德。故爲初入與究竟時無延促。又智慧一故。爲誓度衆生。悉令成佛。志願等故。又如十方世界。盡抹爲塵。一一塵中。有無量佛刹。無量衆生。如菩提心大智慧身。於一剎那際。等一切刹塵。供養諸佛。教化衆生。一時等徧。但以智慧力故。法如是故。智徧

周故。亦不作神通變化之想。初發心菩薩。志樂廣大。與佛界衆生界等。無限量故。故今此品所歎。初發菩提心。以十種功德。廣大難量。無比不可喻。於此佛果根本不動。大智不思議。法界乘而發心者。如輪王太子。初生之時。具足王相。如師子王之子。威勢與父相似。體不異故。如初發菩提心菩薩。初生如來智慧種性家時。智慧所知。不異佛故。三世時劫。無延促見。不異佛故。志樂廣大。教化衆生。不異佛故。從初發心。乘如來一切智乘。不出刹那際。成等正覺。教化衆生。不異佛故。設於三乘順世情。

教說三祇劫而成佛者。畢竟回心。入此一切智境界乘。方得成佛。如法華經。卽是所回三乘。入一切智境界之教。如龍女。一刹那際。一生成佛者是也。一切衆生。總須悟如此法。方得成佛。不可取如來三乘中順世方便之言。以法如是故。如此品下文云。初發心菩薩。才發心時。卽爲十方一切諸佛所共稱歎。卽能說法教化調伏一切世界所有衆生。乃至示現成佛等。廣如此品。下文所說。此品之內。長行總有四十段經意也。頌有二百四十二行。以歎初發心菩薩之功德。其文如下。

○次正釋文。長分爲七。一。天王請說分。二。歎深難說分。三。約喻按量分。四。就法畧示分。五。動地興供分。六。他方證成分。七。以偈重頌分。又釋於中分二。初長行。後偈頌。前中亦二。初此界。後結通。前中亦二。初正說。後證成。前中亦二。先問。後答。今依前辨。

爾時天帝釋。白法慧菩薩言。佛子。菩薩初發菩提之心。所得功德。其量幾何。

〔疏〕初中天帝問者。在彼宮故。聞前速成。生疑念故。菩提心。是萬行王故。問法慧者。是會王故。初心具

後之德。唯慧境故。下正顯問端。雖則正問發心功德。下法慧答功德之量。便顯發心之相。是爲菩薩善巧辨才。

○第二歎深難說分

法慧菩薩言。此義甚深。難說。難知。難分別。難信解。難證。難行。難通達。難思惟。難度量。難趣入。

〔疏〕所以歎者。法體深廣。去疑令樂故。下寄言說。顯未盡其源故。於中初句總言甚深者。謂約時深徹後際。約德深至佛果。約理深同法界。約行深包萬行。竝深中之極。故云甚深。又數廣難量。理玄叵測。

雖深非甚。今卽少而多。卽事而理。初心具後。是謂甚深。下十句別。由斯十義。故曰甚深。於中初四。能所對辨。各前能後所。一離言故難宣示。二無相故超心識。三非自力辯能分別。四非劣慧能信解。後六通能所五非有所得。及一慧能證。六非起行及一行能行。七次第修慧。不能通達。八九思慧。不能思惟。籌度。十聞慧。不能信向。趣入。此六後後劣於前前。巧顯深也。所以廣說難者。非唯成上甚深。正誠今後令信。

○第三約喻投量分。於中二。初結前生後。

雖然我當承佛威神之力而爲汝說

〔疏〕謂約自力則甚深。承力則可說

○二正顯投量中有十一大喻。一利樂衆生喻。二速疾步利喻。三知劫成壞喻。四善知勝解喻。五善知諸根喻。六善知欲樂喻。七善知方便喻。八善知他心喻。九善知業相喻。十善知煩惱喻。十一供佛及生喻。然此十一喻。後後過前前。故皆捨置前前。更舉後後。巧顯深勝。此諸喻文。皆應有四。一舉喻。二徵問。三領答。四投量。初後具四。中九畧無中。二又諸喻內。一一皆有十重小喻。

今初喻十重中。初一廣說。後九畧明。初中有四  
一舉廣事。二徵問。三答顯廣。四辨超過。今初  
佛子。假使有人。以一切樂具。供養東方阿僧祇世界  
所有衆生。經於一劫。然後教令淨持五戒。南西北方  
四維上下。亦復如是。

**[疏]**文三。先與現世益。文有三廣。謂供具。界。時。次然後下。與後世樂。後南西下。類餘九方。

○二徵問

佛子。於汝意云何。此人功德。寧爲多否。

○三答顯廣



天帝言。佛子。此人功德。唯佛能知。其餘一切。無能量者。

疏可知。

○四辨超過

法慧菩薩言。佛子。此人功德。比菩薩初發心功德。百分不及一。千分不及一。百千分不及一。如是億分。百億分。千億分。百千億分。那由他億分。百那由他億分。千那由他億分。百千那由他億分。數分。歌羅分。筭分。喻分。優波尼沙陀分。亦不及一。

疏云。歌羅者。此云豎析人身上毛爲百分中之一。

分也。或曰十六分中之一分義。譯為校量分。優波  
尼沙陀者。此云近少。謂少許相近。比類之分也。百  
千後卽云億分者。中等數也。鈔或曰十六分之一  
者。如秤有十六兩故。  
然此言出涅槃第六。如來性品云。若有衆生於四  
恒河沙佛所。發菩提心。然後乃能於惡世中。不謗  
是法。受持讀誦。書寫經卷。爲他廣說十六分中一  
分之義。雖復演說。亦不具足。供五恒佛。能說十六  
分之八分。六恒說十二分。七恒說十四分。八  
恒說十六分。方具遠公亦舉如秤。不別解釋。

○後九畧說

佛子。且置此喻。假使有人。以一切樂具。供養十方十  
阿僧祇世界所有衆生。經於百劫。然後教令修十善  
道。如是供養經於千劫。教住四禪。經於百千劫。教住

四無量心。經於億劫。教住四無色定。經於百億劫。教住須陀洹果。經於千億劫。教住斯陀含果。經於百千億劫。教住阿那含果。經於那由他億劫。教住阿羅漢果。經於百千那由他億劫。教住辟支佛道。佛子。於意云何。是人功德寧爲多不。天帝言。佛子。此人功德。唯佛能知。

〔疏〕文四同前。今初舉喻中。併舉九事。樂具皆同。一切所經劫數。漸漸增多。其所教法轉轉增勝。據初世界。亦合漸增。以此十前。文標一故。餘無者畧。若十方共十。則界不增。二佛子下。徵問。三天帝下。領

答

法慧菩薩言。佛子。此人功德。比菩薩初發心功德。百分不及一。千分不及一。百千分不及一。乃至優波尼沙陀分亦不及一。何以故。佛子。一切諸佛初發心時。不但爲以一切樂具供養十方十阿僧祇世界所有衆生。經於百劫。乃至百千那由他億劫。故發菩提心。不但爲教爾所衆生。令修五戒十善業道。教住四禪。四無量心。四無色定。教得須陀洹果。斯陀含果。阿那含果。阿羅漢果。辟支佛道。故發菩提心。爲令如來種性不斷。故爲充徧一切世界。故爲度脫一切世界衆

生故爲悉知一切世界成壞故爲悉知一切世界中  
衆生垢淨故爲悉知一切世界自性清淨故爲悉知  
一切衆生心樂煩惱習氣故爲悉知一切衆生死此  
生彼故爲悉知一切衆生諸根方便故爲悉知一切  
衆生心行故爲悉知一切衆生三世智故爲悉知一  
切佛境界平等故發於無上菩提之心

〔疏〕第四校量中三。初辨超過。二何以故者徵徵意  
二云前云功德除佛難知。何以比此。猶少非類。三釋  
意有二。一別翻前喻。謂發心無限。前有限故。亦是  
反釋。二爲令如來種性不斷下。通對前十。總顯具

德亦是順釋。於中有十二句。初三總相對前辨勝。一翻前小果。二翻前限處。三翻前有限衆生。下九句。卽下十喻之本。一卽第三知劫成壞喻本。二卽第四善知勝解喻本。故下文云。乃至垢解淨解等。三却是第二步利喻本。四卽第六及第十本。五卽第九本。六卽五七本。七八皆第八喻本。九知佛境界平等。卽第十一供佛喻本。此中九句。卽佛十力智。一知成壞垢淨自性。卽業報智。心樂。卽種種解智。知煩惱。卽漏盡智。生歿。卽天眼智。諸根。卽根勝劣智。方便。卽禪解脫三昧智。此及佛境。竝是一切

至處道智。心行。卽種種界智。二世智。卽宿命智。其處非處智。以是總故。亦是前三總句中攝。然此所知。皆約一切無齊限也。下文廣釋其相。

○第二明速疾步刹喻

佛子。復置此喻。假使有人於一念頃。能過東方阿僧祇世界。念念如是。盡阿僧祇劫。此諸世界無有能得知其邊際。又第二人於一念頃。能過前人阿僧祇劫所過世界。如是亦盡阿僧祇劫。次第展轉。乃至第十。南西北方四維上下。亦復如是。佛子。此十方中凡有百人。一。如是過諸世界。是諸世界可知邊際。菩薩

初發阿耨多羅三藐三菩提心。所有善根。無有能得  
知其際者。何以故。佛子。菩薩不齊限。但爲往爾所世  
界。得了知。故發菩提心。爲了知十方世界故。發菩提  
心。所謂欲了知妙世界。卽是麤世界。麤世界卽是妙  
世界。仰世界卽是覆世界。覆世界卽是仰世界。小世  
界卽是大世界。大世界卽是小世界。廣世界卽是狹  
世界。狹世界卽是廣世界。一世界卽是不可說世界。  
不可說世界卽是一世界。不可說世界入一世界。一  
世界入不可說世界。穢世界卽是淨世界。淨世界卽  
是穢世界。欲知一毛端中一切世界差別性。一切世



界中一毛端一體性。欲知一世界中出生一切世界。欲知一切世界無體性。欲以一念心盡知一切廣大世界而無障礙。故發阿耨多羅三藐三菩提心。

〔疏〕然次下九喻。文皆分四。初舉廣喻。二辨超過。三徵四釋。釋中皆先反釋。後順釋。今初喻中。前三可知。四釋中。先反釋。彰前不及後。爲了知下。順釋。辨此過前。於中十一句。初句總。所謂下。別知世界相。卽相入無障礙義。前七正明。卽入八一毛端。下二對。釋上。卽入所由。畧舉三門。初以法性融通門釋。謂一切世界差別性。與一毛端體性無二故。是故

事隨性融。此彼相卽。事攬性起。彼此相入。各有同

體異體。準上思之。鈔事隨性等者。如經一毛端中

性卽是一切世界差別性。今一切世界卽事隨其

法性卽是一毛端。以性卽一毛端。諸界卽性故。下句亦

然。一切世界中性卽是一毛端性。一毛隨性卽一

切世界上句多卽一。下句一卽多。事攬性起等者。

謂一毛端之事。攬一切世界性成故。一切世界隨

其多性在一毛中。下句亦然。一切世界攬一毛端

性成故。一毛隨性。徧在一切世界中。各有同體異

體者。謂一毛端及一切利。爲各有也。云何異體。一

一利等各有一毛端。故云何同體。差別界體同一體故。

今一毛中自有體性。是爲異體。而同諸利體。故曰

同體。一諸利各自有體。卽與毛端共同一體。今

諸利相隨其異體。卽彼毛端之同體。故利卽毛端

毛端異體。隨其同體。徧於諸利之異體。故彼體卽

利。故毛卽諸利。然上釋理性融通中。却不廣出同

攝理性時。卽同體義。令彼不異理之多事。隨所依

理皆於一中現。卽異體  
隨同也。故云準上思之。九一世界中出生一切世  
界者。此約緣起門釋。謂諸緣起更互相生。有其二  
義。一約體。有體無體義。是故相卽。二約用。有力無  
力義。是故相入。亦有同體異體義。並準上思之。欲  
知一切世界無體性者。約無自性門。以大非定太  
故能卽小等。十總結。欲以一念盡知如是廣無邊  
際重重。卽入無障礙事故。發菩提心。又此言知。偈  
中亦身往彼。諸緣起等者。一毛之一。由利之多。利  
為能生。毛為所生。因毛之一。有利之  
多。多為所生。所生無體多。卽是一。能生有體。毛攝  
諸利。上毛為所生。反此可知。一毛是能生。卽是有  
力。諸利是所生。卽是無力。力攝無力。一毛有於多  
利。多利能生一毛。卽無力。力攝無力。毛入諸利。同

體異體。廣如玄中。以大非定。大等者。等取小非定。小故能即大。及等染非定。染故能即淨。淨非定。淨故即染等。至大有於小相。不壞於大小入大也。反顯至小有於大相。不壞小相。則芥納須彌。

○第三知劫成壞喻

佛子。復置此喻。假使有人於一念頃。能知東方阿僧祇世界成壞劫數。念念如是。盡阿僧祇劫。此諸劫數。無有能得知其邊際。有第二人於一念頃。能知前人阿僧祇劫所知劫數。如是廣說。乃至第十。南西北方四維上下。亦復如是。佛子。此十方阿僧祇世界成壞劫數。可知邊際。菩薩初發阿耨多羅三藐三菩提心。功德善根。無有能得知其際者。何以故。菩薩不齊限。

但爲知爾所世界成壞劫數故。發阿耨多羅三藐三菩提心。

〔疏〕文亦有四。初明喻廣大。舉成攝住。舉壞兼空。二佛子下。對辨超過。三徵四釋。釋中亦二。先反釋。後

順釋。

爲悉知一切世界成壞劫盡無餘故。發阿耨多羅三藐三菩提心。所謂知長劫與短劫平等。短劫與長劫平等。一劫與無數劫平等。無數劫與一劫平等。有佛劫與無佛劫平等。無佛劫與有佛劫平等。一佛劫中有不可說佛。不可說佛劫中有一佛。有量劫與無量

劫平等。無量劫與有量劫平等。有盡劫與無盡劫平等。無盡劫與有盡劫平等。不可說劫與一念平等。一念與不可說劫平等。一切劫入非劫。非劫入一切劫。欲於一念中。盡知前際後際及現在一切世界成壞劫故。發阿耨多羅三藐三菩提心。是名初發心大誓莊嚴了知一切劫神通智。

〔疏〕順中三初總。次所謂下別。三是名下。結能知智。別中言平等者。通相卽相入。就緣就性。唯心等殊。皆無障礙。故云平等。一長短者。如娑婆爲短。安樂爲長。通傳相望以爲長短。二三及四。文竝可知。五

量無量者。如勝蓮華界劫。更無有上名。為無量已。

下皆有量。鈔言平等者。總取諸句平等。而平等者。要須長短等相。方有即入故。然云劫者。

婆沙一百三十五云。分別時分。故名為劫。即體五

蘊生滅。以成於劫。大乘即以為體。經云。長劫與

短劫平等者。意云。長劫即短劫。短劫即長劫。亦

是平等。長劫入短劫。短劫入長劫。亦是平等。就緣

即緣起相由門。就性即法性融通門。唯心即唯心

所現門。即十因中之三等。取餘夢幻等七。二三及

四等者。二即一多。三即有佛無佛。如過去莊嚴現

在賢劫。未來是星宿。各有千佛。名為有佛劫。此後

六萬二千劫。空過無有佛。名為無佛劫。四即多少。

如威光修因。種種莊嚴劫中。有十須彌山微塵數

佛。大通智勝佛處東南方。梵王讚云。二百八十劫。

空過無有佛。準十任婆沙第十云。如經中說。諸比

丘。是賢劫前。九十一劫。毘婆尸佛出。二百三十一

劫。有二佛出。一名尸棄。二名毘婆娑。此賢劫中。鳩

樓遜迦。那含牟尼。迦葉佛出。六萬二千

劫。空過無佛。如勝蓮華界等。即壽量品。六有成壞

則有盡無成。壞則無盡。標中但云成壞。從多分說。亦麤盡細不盡。七念劫相望。八劫非劫。自有三義。一約未經增減。縱百千年。名爲非劫。若經增減。成壞名劫。二如勝蓮華利。旣不可按量。亦無劫數。故名非劫。三推妄歸真。劫入非劫。依真起妄。非劫入劫。斯則前七事事無礙。此乃理事無礙。九一念速知。兼總包無盡。以斯無限。安可比前。三結能知智。卽十通中。知盡未來際劫神通也。

○第四善知勝解喻

佛子。復置此喻。假使有人於一念頃。能知東方阿僧



祇世界所有衆生種種差別解。念念如是。盡阿僧祇劫。有第二人於一念頃能知前人阿僧祇劫所知衆生諸解差別。如是亦盡阿僧祇劫。次第展轉。乃至第十。南西北方四維上下。亦復如是。佛子。此十方衆生種種差別解。可知邊際。菩薩初發阿耨多羅三藐三菩提心功德善根。無有能得知其際者。何以故。佛子。菩薩不齊限。但爲知爾所衆生解故。發阿耨多羅三藐三菩提心。

**疏**文四同前。初舉廣喻。梵云阿地目多。此云勝解。謂於決定境。印持爲性。不可引轉爲業。今譯存畧。

耳。釋中二亦先反。後順。鈔謂於決定等者。謂以邪正教理證力。於所取境。審

決印持。由此異緣。不能引轉。

為盡知一切世界所有眾生種種差別解故。發阿耨多羅三藐三菩提心。所謂欲知一切差別解無邊故。一衆生解無數衆生解平等故。欲得不可說差別解方便智光明故。欲悉知衆生海各各差別解盡無餘故。欲悉知過現未來善不善種種無量解故。欲悉知相似解不相似解故。欲悉知一切解即是一解一解即是一切解故。欲得如來解力故。

**疏**順中初總。後所謂下別。別中總有十三句。初有

八句。總相以辨。後有五句。一別明。前中又二。初  
 三解。為得方便解智光。此光通因通果。於中一廣。  
 二深。約理等故。三即能知。後五句。為得佛十力中  
 勝解智力。解一切法。初一約人。謂衆生海。解故。次  
 一約時及性。三約境。明似不似。上來明所知廣。四  
 事事相即顯所知深。上皆所知。後一能知。即佛十  
 力之一也。鈔別中總有十三句者。此是義句。以一解為一句故。  
 欲悉知有上解無上解有餘解無餘解等解不等解  
 差別故

疏第二從欲悉知有上下。一一別明。上但云多。未

識差別之相。今畧示之於中五句。各是一義。初句三對。約佛菩薩相望。一。妙覺無上。餘皆有上。此約豎論。二。約橫辨。盡未盡故。三。同位互望爲等。高下位相望爲不等。

欲悉知有依解無依解。共解不共解。有邊解無邊解。差別解無差別解。善解不善解。世間解出世間解。差別故。

〔疏〕第二句有六對。約五乘凡聖相望差別。有依無依。約自性差別。託於根境及稱真故。二約淺深差別。甚深般若。不共小乘故。三約境差別。佛解無邊。

餘未盡故。四約二諦。世諦差別。勝義無差故。五巧拙差別。六漏無漏差別。

欲於一切妙解。大解。無量解。正位解中。得如來解脫。無障礙智故。

〔疏〕第二句有四解。約佛乘說。一深。二廣。三無分量。四契真如正位得果解故。事理無礙。無二礙故。

欲以無量方便。悉知十方一切衆生界。一一衆生淨。解染解。廣解。略解。細解。麤解。盡無餘故。

〔疏〕第四句。唯約衆生以辨差別。於中初能知方便。不礙空而知假故。後悉知下。明其所知。有三對六。

解與惑相應。各染不相應。各淨。廣畧者。約境及作  
意差別。麤細者。約行相差別。委悉不委悉故。

欲悉知深密解。方便解。分別解。自然解。隨因所起解。  
隨緣所起解。一切解。網悉無餘故。發阿耨多羅三藐  
三菩提心。

〔疏〕第五句多約知聖教解。於中文二。先正明。二一  
切下。通結前文。初中深密者。開則深約。方廣一乘。  
密謂密意。合則深卽是密。以秘以妙。卽事而真故。  
二方便者。畧有三種。一進趣方便。謂見道前方便。  
道是。二施爲方便。卽第七波羅密。依實起權。皆善。

巧故實無此事。假施設有故。三集成方便。諸法同體。巧相集成。如六相巧成。亦各方便。今竝能解。言分別者。凡於一法。多門決擇故。言自然者。法爾本覺。內熏發故。隨因所起者。過去聞熏之所發故。或於現在正思惟等。而能知故。言隨緣所起者。善友增上絕方所開悟故。二一切下。總結廣多交絡故。如網也。爲此無限而起大心。豈同前喻。

○第五善知諸根喻

佛子。復置此喻。假使有人。於一念頃。能知東方無數世界一切衆生諸根差別。念念如是。經阿僧祇劫。有

第二人於一念頃能知前人阿僧祇劫念念所知諸根差別。如是廣說乃至第十。南西北方四維上下亦復如是佛子。此十方世界所有衆生諸根差別可知。邊際菩薩初發阿耨多羅三藐三菩提心功德善根。無有能得知其際者。何以故。菩薩不齊限但爲知爾所世界衆生根故發阿耨多羅三藐三菩提心爲盡知一切世界中一切衆生根種種差別。廣說乃至欲盡知一切諸根網故發阿耨多羅三藐三菩提心。

〔疏〕可知

○第六善知欲樂喻



佛子。復置此喻。假使有人於一念頃。能知東方無數世界所有衆生種種欲樂。念念如是。盡阿僧祇劫。次第廣說。乃至第十。南西北方四維上下。亦復如是。此十方衆生所有欲樂。可知邊際。菩薩初發阿耨多羅三藐三菩提心。功德善根。無有能得知其際者。何以故。佛子。菩薩不齊限。但爲知爾所衆生欲樂。故發阿耨多羅三藐三菩提心。爲盡知一切世界所有衆生種種欲樂。廣說乃至欲盡。知一切欲樂。網故發阿耨多羅三藐三菩提心。

〔疏〕欲謂於所樂境。希望爲性。勤依爲業。卽勝解智。

所攝。會釋如前。鈔卽勝解智所攝者約十力智。以種種解脫智亦各樂欲若約法相。欲與解別。皆是別境五中之一也。而在十力合之爲一。取名有差。

○第七善知方便喻

佛子。復置此喻。假使有人於一念頃能知東方無數世界所有衆生種種方便。如是廣說乃至第十。南西北方四維上下亦復如是。此十方衆生種種方便可知邊際。菩薩初發阿耨多羅三藐三菩提心功德善根。無有能得知其際者。何以故。佛子。菩薩不齊限。但爲知爾所世界衆生種種方便。故發阿耨多羅三藐三菩提心。爲盡知一切世界所有衆生種種方便。廣

說乃至欲盡知一切方便網故發阿耨多羅三藐三菩提心

〔疏〕善知方便喻者。卽禪善巧及至處道智。方便三種。如向所辨。所望別故。無相濫失。〔鈔〕所望別故等者。前三方便屬

解今屬欲故

○第八善知他心喻

佛子。復置此喻。假使有人於一念頃能知東方無數世界所有衆生種種差別心。廣說乃至此十方世界所有衆生種種差別心。可知邊際。菩薩初發阿耨多羅三藐三菩提心功德善根。無有能得知其際者。何

以故佛子。菩薩不齊限。但爲知爾所衆生心。故發阿耨多羅三藐三菩提心。爲悉知盡法界。虚空界。無邊衆生種種心。乃至欲盡知一切心網。故發阿耨多羅三藐三菩提心。

〔疏〕善知他心喻。心義兼王所。卽他心智。（鈔）卽他心智者。若是

十力。卽屬界攝。

○第九善知業相喻

佛子。復置此喻。假使有人。於一念頃。能知東方無數世界所有衆生種種差別業。廣說乃至此十方衆生種種差別業。可知邊際。菩薩初發阿耨多羅三藐三

菩提心善根邊際不可得知。何以故。佛子。菩薩不齊限。但爲知爾所衆生業。故發阿耨多羅三藐三菩提心。欲悉知三世一切衆生業。乃至欲悉知一切業網。故發阿耨多羅三藐三菩提心。

〔疏〕善知業相喻。卽業報智。上皆文四。同前可知。若辨其名體。具如初會十力章中。若廣顯差別。如第九地。

○第十明知煩惱差別喻

佛子。復置此喻。假使有人於一念頃。能知東方無數世界所有衆生種種煩惱。念念如是。盡阿僧祇劫。此

諸煩惱種種差別。無有能得知其邊際。有第二人於一念頃。能知前人阿僧祇劫所知衆生煩惱差別。如是復盡阿僧祇劫。次第廣說。乃至第十。南西北方四維上下。亦復如是佛子。此十方衆生煩惱差別可知。邊際菩薩初發阿耨多羅三藐三菩提心。善根邊際不可得知。何以故。佛子。菩薩不齊限。但爲知爾所世界衆生煩惱故。發阿耨多羅三藐三菩提心。

〔疏〕文亦分四。前三可知。第四釋中。亦先反後順。

爲盡知一切世界所有衆生煩惱差別故。發阿耨多羅三藐三菩提心。所謂欲盡知輕煩惱。重煩惱。眠煩

惱起煩惱。一一衆生無量煩惱。種種差別。種種覺觀。淨治一切諸雜染故。

〔疏〕順中初總。後所謂下別。別有六門。各先惑後治。謂非但空知。意在斷故。初門總明。後一義兼總。別中間別舉其重。今初門中。輕重眠起。通下諸惑。故名爲總。就中輕重。總中之總。以品言之。一切煩惱。各有輕重。約起惑者。心有異故。據難易斷。現行爲輕。種子爲重。卽眠起是。又分別爲輕。俱生爲重。若據破壞三寶。焚燒善根。則邪見最重。餘悉名輕。若據損惱自他。障菩薩道。瞋恚最重。餘悉名輕。若據

發潤生。死流轉。無明愛取為重。若依為諸惑根。則  
 三毒為重。若依障初聖道。不受聖教。見慢為重。若  
 據遠隨現行。障無學道。我愛慢為重。餘可名輕。若  
 煩惱當體相望。十大煩惱為重。隨惑為輕。隨中大  
 中小隨展轉輕重。又正使為重。習氣為輕。更有異  
 門。可畧言也。約一切煩惱各有輕重者。分九品故。  
約起惑者。下出輕重所由。如一貪惑。  
 重者。於下劣境起猛利貪。中者。稱境而起。下者。設  
 於勝境。心亦微薄等。三品各三。故成九品。據難易  
 下別別相望。以論輕重。言種子為重者。如俱生惑  
 種。金剛喻定。方斷盡故。故下經云。金剛道滅。方畢  
 竟。又分別為輕者。真見道中。一時頓斷。故唯識云  
 見所斷惑。十俱頓斷。以真見道。總緣諦故。此約大  
 乘。若通三乘。唯識論云。煩惱障重。見所斷者。三乘  
 見道位。真見道中。一時頓斷。俱生為重者。於修道



位中。數數修習。無分別智。方能斷故。餘如十地。初  
說。則邪見最重者。涅槃經云。一切煩惱。邪見攝盡。  
戒經十重。謗三寶。為最重。十惡亦然。瞋恚最重者。  
如昔賢行品。一念瞋心起。百萬障門開。無明。取  
為重者。淨名經云。從痴有愛。則我病生。涅槃經云。  
生。成。本。際。凡。有。二。種。一。者。無。明。二。者。有。等。三。毒。為  
重者。本行經云。世間之毒。莫過三毒。諸隨惑等。皆  
從此生。見慢為重者。見則偏執。一理。穴。徹。在。心。安  
受。聖。教。慢。既。特。已。豈。復。他。求。我。愛。慢。為。重。者。畧。有  
三。義。一。約。識。至。第。七。故。四。惑。相。應。是。也。二。約。行。通  
至。諸。禪。故。如。明。法。品。當。辨。三。約。果。至。阿。羅。漢。若。作  
是。念。我。得。阿。羅。漢。道。則。不。得。故。十。大。煩。惱。為。重。者。  
唯。識。論。云。煩。惱。謂。貪。嗔。癡。慢。疑。惡。見。卽。六。根。本。俱  
舍。論。云。六。由。見。異。十。謂。開。惡。見。為。五。一。身。見。二。邊  
見。三。邪。見。四。見。取。五。戒。禁。取。隨。煩。惱。中。大。中。小。隨  
展。轉。輕。重。者。大。隨。為。重。中。小。為。輕。中。隨。為。重。小。隨  
為。輕。名。為。展。轉。言。隨。惑。者。唯。識。頌。云。隨。煩。惱。謂。忿  
恨。覆。惱。嫉。慳。誑。詭。語。與。害。憍。無。慚。與。無。愧。掉。舉。及。憍  
沉。不。信。并。懈。怠。放。逸。及。失。念。散。亂。不。正。知。長。行。釋  
云。唯。是。煩。惱。分。位。差。別。等。流。性。故。名。隨。煩。惱。依。疏。

釋云謂忿等十。及失念不正。知放逸等。假染心所。是貪等差別位。各隨煩惱。無慙無愧。掉舉昏沉。散亂不信。懈怠。忘七法。雖別有體。是前根本之等流。故名隨煩惱。由煩惱為因此。此得有故。論云。此二十種類別說有三。謂忿等十。各別起故。各小隨煩惱。無慙等二。徧不善故。各中隨煩惱。掉舉等八。徧染心故。名大隨煩惱。更有異門等者。上來已有十門解釋。有以五住煩惱。無明為重障。大菩提。故前四為輕障。見修故。今謂以前四位。亦障菩提。無明住地。亦障見修。故不存之。又有云。等分為輕。稱境起故。多分為重。過境起故。又云。慙起。問起。羸劣起者。為輕。多起。常起。猛利起者。為重。此二。即前約品中收之。又云。迷事為輕。後得智斷。故迷理為重。根本智斷。故此則與前無明為重障。菩提。故亦小相違。故畧不言耳。非無有理。故云可畧。言眠起者。眠即種迷事。迷理。至十地中。當廣分別。言眠起者。眠即種子。眠伏藏識起。即對境現行。言一一衆生無量煩惱。總結多端。種種差別。如後畧說。廣唯佛知。種種

覺觀通能所治。有染淨故。染爲所治。煩惱依故。如欲害。害覺能生貪等無量煩惱。涅槃加五。說有八覺。一欲覺。求可意事。二瞋覺。念欲瞋他。三惱覺。念欲惱他。四親里覺。憶念親緣。五國土覺。念世安危。六不灰覺。積財資養。七族姓覺。念族高下。八輕侮覺。侮卽是慢。念自恃欺人。此等非一。故云種種。皆能引起一切煩惱。對上一一衆生無量煩惱。亦名引起分別。言淨治者。欲以不淨觀治。瞋以慈治。惱害以悲治。次四以無常觀治。後一以無我我所觀治。故云種種覺觀淨治一切雜染。能生貪等者卽第二十三經高

貴德王菩薩品經云。復次善男子。一切凡夫。雖善護身心。猶故生於三種惡覺。以是因緣。雖斷煩惱。得生非想非非想處。猶故還墮三惡道中。善男子。譬如有人。渡於大海。垂至彼岸。沒水而死。凡夫之人。亦復如是。垂盡三有。還墮三塗。何以故。無善覺故。云何善覺。所謂六念。下廣說惡覺之過。故云如

涅槃說

欲盡知依無明煩惱愛相應煩惱斷一切諸有趣煩惱結故

〔疏〕第二依流轉門於所治中。卽癡愛發潤斷一切下。明治由癡愛故諸趣流轉。從癡有愛。菩薩病生故。一切衆生三有五趣三結。要當斷盡。一欲界諸愛別名欲結。二上二界愛。合各有結。三三界無明。

名無明結。二結亦名三漏。卽上癡愛斷已。永盡生  
死流故。

欲盡知貪分煩惱。瞋分煩惱。癡分煩惱。等分煩惱。斷  
一切煩惱根本故。

〔疏〕第三依病行門。四分分別。分是性義。各據偏多  
受貪等名。名爲不等。三分俱多。名爲等分。然不出  
三。此三別名。三不善根。故治中。云斷根本也。

欲悉知我煩惱。我所煩惱。我慢煩惱。覺悟一切煩惱  
盡無餘故。

〔疏〕第四依通諸識門。明我我所。謂第七識恒執第

八爲自內我故。或謂爲我所染之起慢。故云我慢。通至第六。內執我身。外執資具。恃已陵人。又此我者。亦兼法我。若盡此惑。則諸惑皆盡。故治中云盡無餘也。

欲悉知從顛倒分別。生根本煩惱。隨煩惱。因身見。生六十二見。調伏一切煩惱故。

〔疏〕第五約相生門。以利鈍分別。先鈍後利。故淨名推身以欲貪爲本。貪欲以虛妄分別爲本。虛妄分別以顛倒想爲本。顛倒想以無住爲本。今以無住非煩惱。故畧不言耳。而順明之。從顛倒虛妄分別。

生貪等惑。依貪等惑。有諸隨惑。展轉相生。顛倒想者。不淨計淨等故。利中卽身見爲本。生六十二見。此有二說。一依三世五蘊。至下當明。二依異道邪見。具如瑜伽八十七說。

欲悉知蓋煩惱。障煩惱。發大悲救護心。斷一切煩惱。網令一切智性清淨故。發阿耨多羅三藐三菩提心。

〔疏〕第六約出家修行者。以障蓋分別。蓋謂五蓋。已見上文障卽二障。此亦總結前惑。不離二障。發大悲下。明能治道。謂救有障者。護修行者。此言在未義兼總結。謂菩薩發心不自爲已。但以大悲救護。

一切令斷上來諸惑之網斷之何爲令本智清淨然能治道雖復衆多不出二種一通二別別如上來隨分開示如不能斷應宜轉治謂如起貪以不淨觀治之不去當起慈悲緣於前境應以淨法與之云何出家無慈悲心反更染汙如是隨便種種迴轉皆以無得而爲方便所言通者但當深觀第一義諦謂當觀諸惑卽是本覺菩提故無行云貪欲卽是道。恚癡亦復然。如是三法中具一切佛法。故惑性智性皆本淨故。但由虛妄分別。凡夫不了。如大富盲人動轉爲寶所傷。一乘熱狂謂爲蟲蛇。



驚走遠避。權菩薩輩。猶謂有之。可斷。今乘一切智。乘。以淨慧眼。觀惑卽真。則煩惱自虛。智性常淨。是爲開佛知見。使得清淨。不斷煩惱。而入涅槃。有斯悲智。如是知斷發菩提心。豈與夫前喻同年而語哉。鈔皆以無得。卽大般若若意。至迴向當釋貪欲。卽道勝熱處說。

大方廣佛華嚴經疏論纂要卷第三十四

浙江處州府景寧縣四都吳坑弟子張  
時亨法名興遂室葉氏九男國修國祚  
國明國兆孫啓行啓福啓慧共叁兩  
吳希玉法名興念男長賓長寧長雄孫  
元肇元伯元飛元葛亡室周氏白共貳  
兩貳錢  
吳時賓法名興寧室吳氏桃男祈彥祈  
美祈恕孫大齡大遐共貳兩貳錢  
吳一鳳法名興瑞室范氏明男長桂長  
旭長順長智共貳兩貳錢 全刻  
華嚴經初發心功德品疏論纂要一卷  
伏願四恩普報三有均資增人天之勝  
福植一乘之種子  
康熙十八年己未六月既望吉日謹識